



Inatsisartunut ilaasortaq Siverth K. Heilmann, Atassut
Inatsisartut
/MAANI

**Kinguppannut kilisaassuit kiisalu marloqiusanik qalorsuarsortut aalisarfigisin-
naasaat pillugit § 37 2013-088 malillugu apeqqummut akissut**

13-06-2013
Suliap normua 2013-085075
Allakkap normua 1240499

Inatsisartut suleriaasissaanni § 37-mi imm. 1 malillugu kinguppannut kilisaatit sinerissa-
mut qanittumi aalisarsinnaanerat kiisalu Qalorsuarnik marloqiusanik atuisinnaaneq pil-
lugit apeqquteqarputit. Apeqqutit uannut akisassanngorlugit innersuutigineqarsimapput.

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

Apeqqut:

Avataasiutit kilisaassuit rejerniutit angisuut pingaartumillu marlunnik qalorsuarsorlutik
sinerissap qanittuani pisassiissutinik pisassaqaalersimasut, taamaasillutillu basislinieq
Disko Bugtillu iluanut appakaallutik aalisartartut unitsinniarlugit, Naalakkersuisut aali-
sarnermut inatsisip nutarterneqarneranut atatillugu sukannernerusumik pilersaaruteqar-
paat?

Akissut:

Ilisimatitsissutigisinnaavara Naalakkersuisut Qeqertarsuup Tunuani qalorsuarnik mar-
loqiusanik atuneq inerteqqutigissallugu pilersaaruteqanngimmata. Ilisimatinneqarpunga
qalorsuit marloqiusat kinguppanniarnermi annikitsuaraannarmik atugaasut.

Ilumoorpoq kinguppanniarnermi qalorsuarnik marloqiusanik atuinermut atatillugu aalisar-
neq pisaqarnarnerulernikummat. Angallatit ataasiakkaat qalorsuarnik taamaattunik
atuisut piffissami sivikinnerusumi annertunerusunik qalluisinnaapput. Naalakkersuisut
pijuartitsinissamik tunngaveqarluni aalisartoqarnissaa pingaartitaraat, Naalakkersui-
sullu Kalaallit Nunaata Kitaani kinguppaqassutsimut tunngatillugu uumassusilinnik mis-
suisut siunnersuineranni ukiuni kingullerni marlunni ikileriartoqarsimanera ilisimaaraat.
Kisiannili uumassusilinnik misissuisut kaammattuutiminni Qeqertarsuup Tunua kisiat
eqqarsaatiginngilaat, Kalaallit Nunaatali Kitaa tamakkerlugi eqqarsaatigalugu. Qalor-
suarnik marloqiusanik atuneq Qeqertarsuup Tunuani kinguppaqassutsimut annertu-
nerusumik sunniteqarsimasorinangilaq. Taamaammat Naalakkersuisut isumaqarput
Qeqertarsuup Tunuani aalisarneq annikillisinneqassappat tamanna pisariaqassasoq
qalorsuarnik marloqiusanik inerteqquteqarnikkuunngitsoq.

Naggasiullugu pingaartipparattaaq oqaatigissallugu qalorsuarnik marloqiusanik atuineq aalisartut ingerlatsinermut taamatullu orsussamut aningaasartuutaannut aammattaaq annikillisisstuteqaqataasinnaammat, peqatigitillugulu CO₂-mik aniatitsinermut annikillitseqataasinnaalluni. Taamaalilluni matumani piujuartitsinissamik tunngaveqarluni aalisartoqarnissaanut eqqortumik oqimaaqatigiissaarinissap nassaarineqarnissaa pineqarpoq.

Med venlig hilsen

Karl Lyberth